



Broj: 01,02-02-1-1752-3/17

Sarajevo, 27.9.2017.

Parlamentarna skupština BiH
Kolegij Predstavničkog doma
Ustavnopravna komisija Predstavničkog doma



BOSNA I HERCEGOVINA
PARLAMENTARNA SKUPŠTINA BOSNE I HERCEGOVINE
SARAJEVO

PRIMLJENO: 29.09.2017			
Organizaciona jedinica	Klasifikaciona oznaka	Redni broj	Broj priloga

Na osnovu člana 106. st. (1) i (2) Poslovnika Predstavničkog doma Parlamentarne skupštine Bosne i Hercegovine ("Službeni glasnik BiH", br. 79/14, 81/15 i 97/15), Zakonodavno-pravni sektor daje *drugo ponovno*

MIŠLJENJE

o usklađenosti Prijedloga zakona o izmjenama i dopunama Zakona o nezavisnim i nadzornim tijelima policijske strukture Bosne i Hercegovine s članom 105. Poslovnika Predstavničkog doma i Jedinstvenim pravilima za izradu pravnih propisa u institucijama Bosne i Hercegovine

Aktom predsjedavajuće Predstavničkog doma, broj: 01,02-02-1-1752/17, od 25.9.2017., Zakonodavno-pravnom sektoru dostavljen je Prijedlog zakona o izmjenama i dopunama Zakona o nezavisnim i nadzornim tijelima policijske strukture Bosne i Hercegovine, radi davanja mišljenja o usklađenosti Prijedloga zakona s članom 105. Poslovnika Predstavničkog doma, te Jedinstvenim pravilima za izradu pravnih propisa u institucijama Bosne i Hercegovine.

Postupajući po zahtjevima predsjedavajućeg Predstavničkog doma od 19.7. i 29.8.2017., Zakonodavno-pravni sektor dostavio je mišljenja, broj: 01,02-02-1-1752/17, od 20.7.2017. i broj: 01,02-02-1-1752/17, od 4.9.2017., u kojima je utvrđena usklađenost Prijedloga zakona *o izmjeni Zakona* o nezavisnim i nadzornim tijelima policijske strukture Bosne i Hercegovine, odnosno Prijedloga zakona *o izmjeni i dopuni Zakona* o nezavisnim i nadzornim tijelima policijske strukture Bosne i Hercegovine, s članom 105. Poslovnika Predstavničkog doma, ali *ne i usklađenost s odredbama Jedinstvenih pravila za izradu pravnih propisa u institucijama Bosne i Hercegovine* (u daljnjem tekstu: Jedinstvena pravila).


Na ponovljeni, treći zahtjev Kolegija Predstavničkog doma, od 7.9.2017., za ispravku uočenih nedostataka u Prijedlogu zakona s Mišljenjem Zakonodavno-pravnog sektora, Vijeće ministara je 22.9.2017. dostavilo Prijedlog zakona *o izmjenama i dopunama Zakona* o nezavisnim i nadzornim tijelima policijske strukture Bosne i Hercegovine navodeći, u popratnom aktu, da je predloženi zakon usklađen s navedenim mišljenjem.

Uvidom u novi tekst Prijedloga zakona *o izmjenama i dopunama Zakona* o nezavisnim i nadzornim tijelima policijske strukture Bosne i Hercegovine, koji je dostavljen 22.9.2017., Zakonodavno-pravni sektor konstatira da predlagač Zakona nije postupio u skladu sa spomenutim mišljenjem, odnosno u skladu sa zahtjevom Kolegija Predstavničkog doma od 7.9.2017. u smislu usklađenosti s odredbama Jedinostvenih pravila.

Naime, u novom tekstu Prijedloga zakona nije ispravljena greška u nazivu Zakona u smislu člana 48. Jedinostvenih pravila (Naziv izmjena i dopuna) stav (1) tačka b) niti greška u čl. 2. i 3. predloženog zakona u smislu člana 47. Jedinostvenih pravila (Način vršenja izmjena i dopuna) stav (3).

Također, konstatirano je da se naziv novodostavljenog teksta Prijedloga zakona na srpskom jeziku razlikuje od naziva na bosanskom i hrvatskom jeziku.

Na osnovu navedenog proizlazi da Prijedlog zakona *nije usklađen* s odredbama Jedinostvenih pravila za izradu pravnih propisa u institucijama Bosne i Hercegovine.

Rukovoditeljica
Zakonodavno-pravnog sektora

Mirjana Kutanjac

Dostaviti:

- naslovu
- a/a